

ԿՈԴ  
050.0142 Ն. 07.06.13

7 հունիսի 2013 թվականի թիվ 142-Ն

**«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ (ԳԱՆՁԱՊԵՏԱԿԱՆ) ԿԱՐՃԱԺԱՄԿԵՏ, ՄԻՋԻՆ ԺԱՄԿԵՏԱՅՆՈՒԹՅԱՆ ԵՎ ԵՐԿԱՐԱԺԱՄԿԵՏ ԱՐԺԵԿՏՐՈՆԱՅԻՆ ՊԱՐՏԱՏՈՄՍԵՐԻ ԱՌԱՋՆԱՅԻՆ ՏԵՂԱԲԱՇԽՄԱՆ, ՀԵՏԳՆՄԱՆ ԱՃՈՒՐԴԻ, ՀԵՏԳՆՄԱՆ ԿԱԶՄԱԿԵՐՊՄԱՆ ԵՎ ՄԱՐՄԱՆ ՍՊԱՍԱՐԿՄԱՆ», «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ՊԱՐՏԱՏՈՄՍԵՐԻ ՊԱՀԱՌՈՒԹՅԱՆ ԳՈՐԾՈՒՆԵՈՒԹՅԱՆ», «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ՊԱՐՏԱՏՈՄՍԵՐԻ ԳՐԱՎԻ ՀԵՏ ԿԱՊՎԱԾ ԳՈՐԾԱՌՆՈՒԹՅՈՒՆՆԵՐԻ ԻՐԱԿԱՆԱՑՄԱՆ», «ՊԵՏԱԿԱՆ ԱՐԺԵԹՂԹԵՐԻ ՀԱՇՎԱՌՄԱՆ ԵՎ ՀԱՇՎԱՐԿՆԵՐԻ ՀԱՄԱԿԱՐԳՈՒՄ ԿԻՐԱՌՎՈՂ ՀԱՇՎԵՀԱՄԱՐՆԵՐԻ ԿՈԴԱՎՈՐՄԱՆ», «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ՊԱՐՏԱՏՈՄՍԵՐԻ ԵՐԿՐՈՐԴԱՅԻՆ ՇՈՒԿԱՅՈՒՄ ՇՐՋԱՆԱՌՈՒԹՅԱՆ», «ՊԵՏԱԿԱՆ ՊԱՐՏԱՏՈՄՍԵՐՈՎ ԳՈՐԾԱՌՆՈՒԹՅՈՒՆՆԵՐՈՒՄ ԿԻՐԱՌՎՈՂ ՓԱՍՏԱԹՂԹԵՐԻ ՆՎԱԶԱԳՈՒՅՆ ՎԱՎԵՐԱՊԱՅՄԱՆՆԵՐԻ ՄԱՍԻՆ» ԿԱՐԳԵՐԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿԻ ԽՈՐՀՐԴԻ 2004 ԹՎԱԿԱՆԻ ՄԱՐՏԻ 30-Ի ԹԻՎ 75 Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ**

Հիմք ընդունելով «Հայաստանի Հանրապետության կենտրոնական բանկի մասին» Հայաստանի Հանրապետության օրենքի 20-րդ հոդվածի «իզ1» կետը և «Իրավական ակտերի մասին» Հայաստանի Հանրապետության

օրենքի 16-րդ հոդվածի 4-րդ մասը, ինչպես նաև Հայաստանի Հանրապետության ֆինանսների նախարարության գրավոր համաձայնությունը՝ Հայաստանի Հանրապետության կենտրոնական բանկի խորհուրդը

## **Ո Ր Ո Շ ՈՒ Մ Է.**

1. Հաստատել «Հայաստանի Հանրապետության պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգը»՝ համաձայն Հավելված 1-ի (կցվում է):

2. Հաստատել «Հայաստանի Հանրապետության պետական պարտատոմսերի պահառության գործունեության կարգը»՝ համաձայն Հավելված 2-ի (կցվում է):

3. Հաստատել «Հայաստանի Հանրապետության պետական պարտատոմսերի գրավի հետ կապված գործառնությունների իրականացման կարգը»՝ համաձայն Հավելված 3-ի (կցվում է):

4. Հաստատել «Պետական արժեթղթերի հաշվառման և հաշվարկների համակարգում կիրառվող հաշվեհամարների կոդավորման կարգը»՝ համաձայն Հավելված 4-ի (կցվում է):

5. Հաստատել «Հայաստանի Հանրապետության պետական պարտատոմսերի երկրորդային շուկայում շրջանառության կարգը»՝ համաձայն Հավելված 5-ի (կցվում է):

6. Հաստատել «Պետական պարտատոմսերով գործառնություններում կիրառվող փաստաթղթերի նվազագույն վավերապայմանների մասին կարգը»՝ համաձայն Հավելված 6-ի (կցվում է):

7. Սույն որոշումն ուժի մեջ մտնելու պահից ուժը կորցրած ճանաչել Հայաստանի Հանրապետության կենտրոնական բանկի խորհրդի 2004 թվականի մարտի 30-ի ««Հայաստանի Հանրապետության պետական պարտատոմսերի առաջնային տեղաբաշխման, հետգնման կազմակերպման և մարման սպասարկման կարգը», «Հայաստանի Հանրապետության պետական պարտատոմսերի պահառության գործունեության մասին կարգը», «Հայաստանի Հանրապետության պետական պարտատոմսերի գրավի հետ կապված գործառնությունների իրականացման մասին կարգը», «Պետական արժեթղթերի հաշվառման և հաշվարկների համակարգում կիրառվող հաշվեհամարների կոդավորման կարգը», «Հայաստանի Հանրապետության պետական պարտատոմսերի երկրորդային շուկայում շրջանառության

կարգը», «Պետական պարտատոմսերով գործառնություններում կիրառվող փաստաթղթերի նվազագույն վավերապայմանների մասին կարգը» հաստատելու մասին» թիվ 75-Ն որոշումը:

8. Սույն որոշումն ուժի մեջ է մտնում 2013թ. հուլիսի 9-ից:

**Հայաստանի Հանրապետության  
կենտրոնական բանկի նախագահ**

**Արթուր Զավադյան**

2013 թ. հունիսի 7  
Երևան

Հավելված 1  
Հաստատված է  
Հայաստանի Հանրապետության  
կենտրոնական բանկի խորհրդի  
2013 թվականի հունիսի 7-ի թիվ 142-Ն որոշմամբ

## Կ Ա Ր Գ

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ (ԳԱՆՁԱՊԵՏԱԿԱՆ) ԿԱՐՃԱԺԱՄԿԵՏ, ՄԻՋԻՆ ԺԱՄԿԵՏԱՅՆՈՒԹՅԱՆ ԵՎ ԵՐԿԱՐԱԺԱՄԿԵՏ ԱՐԺԵԿՏՐՈՆԱՅԻՆ ՊԱՐՏԱՏՈՄՍԵՐԻ ԱՌԱՋՆԱՅԻՆ ՏԵՂԱԲԱՇԽՄԱՆ, ՀԵՏԳՆՄԱՆ ԱՃՈՒՐԴԻ, ՀԵՏԳՆՄԱՆ ԿԱԶՄԱԿԵՐՊՄԱՆ ԵՎ ՄԱՐՄԱՆ ՍՊԱՍԱՐԿՄԱՆ

#### ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է Հայաստանի Հանրապետության պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման ընթացակարգը:
2. Սույն կարգով Հայաստանի Հանրապետության կենտրոնական բանկը, որպես Հայաստանի Հանրապետության Կառավարության ֆինանսական գործակալ, հիմք ընդունելով պարտատոմսերի թողարկման վերաբերյալ Հայաստանի Հանրապետության ֆինանսների նախարարի հրամանը, պետական (գանձապետական) միջին ժամկետայնության և երկարաժամկետ արժեկտրոնային պարտատոմսերի պարագայում նաև տեղաբաշխման աճուրդի կազմակերպման մասին հանձնարարագիրը, կազմակերպում է պարտատոմսերի առաջնային տեղաբաշխում: Հայաստանի Հանրապետության կենտրոնական բանկը, հիմք ընդունելով Հայաստանի Հանրապետության ֆինանսների նախարարության հետգնման, հետգնման աճուրդի կազմակերպման մասին հանձնարարագիրը, կազմակերպում է հետգնում, հետգնման աճուրդ:

#### ԳԼՈՒԽ 2. ՍՈՒՅՆ ԿԱՐԳՈՒՄ ՕԳՏԱԳՈՐԾՎՈՂ ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

3. Սույն կարգում կիրառվող հիմնական հասկացություններն են.
  - 1) **բանկ**` Հայաստանի Հանրապետության կենտրոնական բանկ.
  - 2) **թողարկող**` Հայաստանի Հանրապետության ֆինանսների նախարարություն.
  - 3) **պարտատոմս**` Հայաստանի Հանրապետության ֆինանսների նախարարության կողմից թողարկվող պետական (գանձապետական)

կարճաժամկետ, միջին ժամկետայնության և (կամ) երկարաժամկետ արժեկտրոնային պարտատոմսեր.

- 4) **տեղաբաշխում**՝ պարտատոմսերի առաջնային տեղաբաշխման նպատակով կազմակերպվող փակ մրցութային գործընթաց (աճուրդ), որի ժամանակ պարտատոմս ձեռք բերելու նպատակով պոտենցիալ գնորդները ներկայացնում են հայտեր.
- 5) **հետգնման կազմակերպում**՝ շրջանառության մեջ գտնվող պարտատոմսերի հետգնման նպատակով կազմակերպվող գործընթաց՝ թողարկողի կողմից նախապես հայտարարված եկամտաբերությամբ, որի ժամանակ պարտատոմս վաճառելու նպատակով պոտենցիալ վաճառողները ներկայացնում են հայտեր.
- 6) **հետգնման աճուրդ**՝ շրջանառության մեջ գտնվող պարտատոմսերի հետգնման նպատակով կազմակերպվող փակ մրցութային գործընթաց, որի ժամանակ պարտատոմս վաճառելու նպատակով պոտենցիալ վաճառողները ներկայացնում են հայտեր.
- 7) **հետգնում**՝ հետգնման աճուրդի և հետգնման կազմակերպման գործընթաց
- 8) **պահառու**՝ պարտատոմսերի տեղաբաշխման, հետգնման, շրջանառության և մարման սպասարկման պարտավորությունները կրող, պահառուական գործունեություն իրականացնող անձ: Պահառուի գործառույթներն իրականացնում է բանկը.
- 9) **ենթապահառու**՝ պահառուական գործունեություն իրականացնող անձ կամ անձինք, ովքեր, ըստ առանձին ներդրողների, հաշվառվում են վերջիններիս սեփականության իրավունքով պատկանող պարտատոմսերը: Ենթապահառուի գործառույթները իրականացնում են գործակալները և գանձապետական պահառուն: Ենթապահառուի գործառույթներ իրականացնում են նաև պահառուի հետ ենթապահառության պայմանագիր կնքած անձինք.
- 10) **գործակալ**՝ պարտատոմսերի շուկայում գործակալի գործառույթների կատարման մասին պայմանագիր կնքած ներդրումային ծառայություններ մատուցող անձ.
- 11) **ներդրող**՝ յուրաքանչյուր իրավաբանական կամ ֆիզիկական անձ, որը սեփականության իրավունքով ձեռք է բերում պարտատոմսեր.
- 12) **գանձապետական պահառու**՝ Հայաստանի Հանրապետության Կառավարության լիազոր մարմնի կողմից պարտատոմսերի անմիջական վաճառքի, ներդրողների պատկանող պարտատոմսերի հաշվառման և սպասարկման համակարգ.
- 13) **աշխատանքային խումբ**՝ տեղաբաշխման, հետգնման անցկացման նպատակով թողարկողի և բանկի մեկական ներկայացուցիչներից կազմված խումբ, որի իրավասությունները և կազմը հաստատում է բանկի նախագահը.
- 14) **էլեկտրոնային հաղորդագրություն**՝ բանկի կողմից հաստատված հատուկ ֆորմատներով կազմված էլեկտրոնային ստանդարտացված հաղորդագրություն, որի միջոցով ներկայացվում են տեղաբաշխման հայտերը, դեպո հանձնարարականները, դրանց ընդունման, կատարման, մերժման և այլ հաղորդագրությունները.
- 15) **հայտ**՝ գործակալի և գանձապետական պահառուի կողմից տեղաբաշխման, հետգնման ներկայացված առաջարկություններ.

**16) թողարկողի դրամական հաշիվ՝** թողարկողի գանձապետական միասնական հաշիվն է բանկում.

**17) դեպո հաշիվ՝** պարտատոմսերի հաշվառման համար նախատեսված պահառուի և ենթապահառուի գրառումների բազմություն, որը միավորված է ընդհանուր հատկանիշներով.

**18) համակարգ՝** պետական արժեթղթերի հաշվառման և հաշվարկների իրականացման համակարգ, որը ապահովում է պարտատոմսերի հետգնման, տեղաբաշխման շրջանառության և մարման սպասարկումը.

**19) մասնակիցներ՝** տեղաբաշխման և հետգնման մասնակիցներ են գործակալները, Հայաստանի Հանրապետության պետական (գանձապետական) կարծաժամկետ պարտատոմսերի տեղաբաշխման մասնակից է նաև գանձապետական պահառուն:

### **ԳԼՈՒԽ 3.**

#### **ՊԱՐՏԱՏՈՄՍԵՐԻ ՏԵՂԱԲԱՇԽՄԱՆ ԿԱՐԳԸ**

4. Ներդրողները տեղաբաշխմանը կարող են մասնակցել իրենց հետ պայմանագիր կնքած գործակալի միջոցով՝ ներկայացնելով նրան պարտատոմսերի ձեռքբերման հայտ:
5. Գործակալը, որը ներդրողների համար տեղաբաշխման ժամանակ ձեռք է բերել պարտատոմսեր, պարտավոր է տեղաբաշխման ավարտից հետո նույն օրվա ընթացքում դրանք փոխանցել ներդրողների դեպո հաշիվների վրա և ներդրողների թղթակցային հաշիվների վրա փոխանցել տեղաբաշխման արդյունքում ձեռք չբերված պարտատոմսերի համապատասխան դրամական միջոցները:
6. Գործակալի և ներդրողի միջև հարաբերությունները կարգավորվում են գործակալի և ներդրողի միջև կնքված պայմանագրով:
7. Գործակալը ներդրողի կարգավիճակով կարող է մասնակցել տեղաբաշխմանը նաև այլ գործակալի միջոցով՝ համաձայն սույն գլխի 4-6-րդ կետերում ներդրողի համար սահմանված ընթացակարգերի:
8. Տեղաբաշխման մասնակիցները նախորդ աշխատանքային օրվա ժամը 15.00-ից մինչև տեղաբաշխման օրվա ժամը 10.30-ը ներկայացնում են պարտատոմսերի ձեռքբերման երկու տեսակի հայտ: Առաջին հայտն ընդգրկում է պարտատոմսերի գնման վերաբերյալ տեղաբաշխման մասնակիցների սեփական առաջարկությունները, երկրորդ հայտը ներդրողների առաջարկությունները: Տեղաբաշխման անցկացման օրվա ժամը 10.30-ից հետո ներկայացված հայտերը չեն ընդունվում՝ բացառությամբ սույն գլխի 14-րդ կետում սահմանված դեպքերի:
9. Տեղաբաշխմանը ներկայացված հայտերն ընդգրկում են մրցակցային և ոչ մրցակցային առաջարկություններ.
- 1) Հայաստանի Հանրապետության պետական կարծաժամկետ պարտատոմսերի տեղաբաշխմանը ներկայացվող մրցակցային առաջարկության մեջ նշվում է պարտատոմսերի այն ծավալը, որը մասնակիցը ցանկանում է ձեռք բերել տեղաբաշխման ժամանակ և այն գումարը, որով մասնակիցը պատրաստ է ձեռք բերել պարտատոմսերի այդ ծավալը:

- 2) Հայաստանի Հանրապետության պետական միջին ժամկետայնության և երկարաժամկետ արժեկտրոնային պարտատոմսերի տեղաբաշխմանը ներկայացվող մրցակցային առաջարկության մեջ նշվում է պարտատոմսերի այն ծավալը, որը մասնակիցը ցանկանում է ձեռք բերել տեղաբաշխման ժամանակ և այն եկամտաբերությունը, որով մասնակիցը պատրաստ է ձեռք բերել պարտատոմսերի այդ ծավալը: Եկամտաբերությունը նշվում է ստորակետից հետո առավելագույնը չորս նիշի ճշտությամբ:
- 3) Պարտատոմսերի տեղաբաշխմանը ներկայացվող հայտերի ոչ մրցակցային առաջարկության մեջ նշվում է այն ծավալը, որի չափով տեղաբաշխման մասնակիցը ցանկանում է պարտատոմսեր ձեռք բերել տեղաբաշխման ընթացքում ձևավորված միջին կշռված եկամտաբերությամբ:
- 4) Պարտատոմսերի գնման ծավալները պետք է բազմապատիկ լինեն տվյալ պարտատոմսի համար թողարկման հրամանում սահմանված քայլին: Բոլոր գումարները նշվում են մեկ դրամի ճշտությամբ:
10. Տեղաբաշխման հայտերը ներկայացվում են համապատասխան էլեկտրոնային հաղորդագրությունների միջոցով՝ տեղաբաշխման մասնակցի մոտ տեղակայված ՍԻԲԻԷյնթեթ համակարգի աշխատանքային կայանից. ընդ որում, յուրաքանչյուր տեսակի հայտի համար (սեփական, ներդրողի) կազմվում է առանձին հաղորդագրություն: Տեղաբաշխման նույն մասնակցից երկու միատեսակ հայտ ստանալու դեպքում ընդունվում է համակարգի կողմից առաջինը ընդունված հայտը: Համակարգի կողմից ընդունված հայտը չի կարող հետ կանչվել, և դրանում փոփոխություններ չեն կարող կատարվել:
11. Տեղաբաշխման պայմանների և/կամ առանձին հայտին/հայտերին ներկայացվող սահմանափակումների խախտմամբ, պայմաններից շեղումներով լրացված կամ բավարար միջոցներով չապահովված հայտերը մերժվում են: Տեղաբաշխման համապատասխան մասնակիցներն այդ մասին տեղեկացվում են համապատասխան էլեկտրոնային հաղորդագրությունների միջոցով: Մինչև հայտերի ընդունման համար սահմանված ժամի ավարտը հայտը մերժված լինելու դեպքում տեղաբաշխման մասնակիցը կարող է ներկայացնել նոր հայտ:
12. Եթե տեղաբաշխման մասնակիցը իր մոտ տեղակայված ՍԻԲԻԷյնթեթ-ի աշխատանքային կայանից տարբեր տեսակի վթարների հետևանքով (կապի խզում, մասնակցի հսկողության ներքո գործող տեխնիկա-ծրագրային ապահովման անսարքություն, այլ) չունի հայտերը ուղարկելու հնարավորություն կամ նա իր մոտ տեղակայված աշխատանքային կայանից հայտը ուղարկելուց հետո 10 րոպեի ընթացքում չի ստանում ընդունման(մերժման) մասին համապատասխան էլեկտրոնային հաղորդագրությունը, ապա հայտը (հայտերը) մուտքագրում է բանկում տեղադրված հատուկ աշխատանքային կայանից մինչև ժամը 10.30-ը:
13. Տեղաբաշխման օրվա ժամը 10.30-ին աշխատանքային խումբը դադարեցնում է հայտերի ընդունումը:
14. Տեղաբաշխումն անցկացնելու նպատակով նախատեսված կապի միջոցների և/կամ համակարգի հետ կապված տեխնիկական խնդիրների առաջացման դեպքում աշխատանքային խումբը համապատասխան խնդրի մասին անմիջապես տեղեկացնում

է թողարկողին: Հաշվի առնելով թողարկողի կողմից ընդունված որոշումը (տեղաբաշխումը շարունակել, հետաձգել, վերսկսել կամ չեղյալ հայտարարել) աշխատանքային խումբը համաձայն ներքոնշյալ ընթացակարգերի շարունակում է համապատասխան գործընթացի իրականացումը.

- 1) տեղաբաշխումը շարունակելու գործընթացը՝ ընթանում է սույն կարգի 15-24-րդ կետերում սահմանված ընթացակարգերի համաձայն,
- 2) հետաձգման գործընթացը (տեղաբաշխման գործընթացը շարունակել տեղաբաշխման օրը ավելի ուշ ժամի, ըստ տվյալ տեղաբաշխման համար ընդունված հայտերի)՝ ընթանում է թողարկողի կողմից ներկայացված գրության համաձայն, որտեղ գրանցված են նաև համապատասխան գործընթացների իրականացման ժամկետները (ամսաթիվ, ժամ):
- 3) տեղաբաշխման վերսկսման (տեղաբաշխման գործընթացը նույն օրն ավելի ուշ ժամի կամ այլ աշխատանքային օր տեղափոխելու), կամ չեղյալ համարելու գործընթացը՝ ընթանում է թողարկողի կողմից ներկայացված գրության համաձայն, որտեղ գրանցված են նաև համապատասխան գործընթացների իրականացման ժամկետները (ամսաթիվ, ժամ)՝ գործում են սույն գլխի 25-րդ կետում սահմանված կանոնները:
- 4) Սույն կետի 2-3-րդ ենթակետերի գործընթացների մասին բանկը անմիջապես, բայց ոչ ուշ, քան մինչև տեղաբաշխման օրվա ժամը 11:30-ը ՍԻԲԻԷյնեթ համակարգի և/կամ հեռախոսի միջոցով տեղեկացնում է տեղաբաշխման մասնակիցներին:
15. Հայտերի ընդունման դադարեցման պահից համակարգի կողմից իրականացվում է ընդունված հայտերի ստուգումն ըստ թողարկման հրամանով առանձին մասնակցին ներկայացվող պահանջների:
16. Համակարգը ստուգում է տեղաբաշխման մասնակցի դրամական հաշվում բավարար միջոցների առկայությունը՝ հաշվի առնելով նրա համապատասխան հաշվում առկա միջոցների և դեպո հաշվում տեղաբաշխման օրվա մարման ենթակա պարտատոմսերի ծավալի հանրագումարը, բացառությամբ գրավադրված և (կամ) արգելադրված պարտատոմսերի: Համապատասխան միջոցների առկայության դեպքում համակարգն ապահովում է դրանց օգտագործման սահմանափակումը հաշվետիրոջ այլ գործառնությունների համար:
17. Ընդունված (չներժված) հայտերի հիման վրա կազմվում է հավաքական տեղեկագիր՝ համաձայն Ձև 1-ի: Աշխատանքային խմբի կողմից վավերացված հավաքական տեղեկագիրը մինչև ժամը 11.00-ը տրամադրվում է թողարկողին ՍԻԲԻԷյնեթ համակարգի միջոցով, իսկ ՍԻԲԻԷյնեթ համակարգի խափանման դեպքում՝ թղթային եղանակով:
18. Ոչ ուշ, քան տեղաբաշխման օրվա ժամը 12.00-ը, թողարկողը որոշում է պարտատոմսերի տեղաբաշխման սահմանային եկամտաբերությունը և միջին կշռված տարեկան եկամտաբերությունը՝ որոնց արժեքները կլորացվում են ստորակետից հետո չորս նիշի ճշտությամբ, որից հետո թողարկողի հանձնարարագրի հիման վրա, կազմված համաձայն Ձև 2-ի, սույն կետով նշված չափանիշները մուտքագրվում են համակարգ:



Թողարկողի հանձնարարագիրը բանկին է փոխանցվում ՍԻԲԻԷյնեթ համակարգի միջոցով, իսկ ՍԻԲԻԷյնեթ համակարգի խափանման դեպքում՝ թղթային եղանակով:

19. Սույն կարգի 18-րդ կետում նշված չափանիշները համակարգ մուտքագրվելուց հետո սկսվում է առաջարկությունների բավարարումը: Տեղաբաշխմանը գանձապետական պահառուի մասնակցելու պարագայում առաջինը բավարարվում է գանձապետական պահառուի կողմից ներկայացված հայտը թողարկման հրամանում նշված սահմաններում, այնուհետև՝ մնացած մասնակիցների կողմից ներկայացված ոչ մրցակցային առաջարկությունները թողարկման հրամանում սահմանված սահմաններում (պետական կարճաժամկետ պարտատոմսերի պարագայում գործակալների կողմից ներկայացված ոչ մրցակցային առաջարկությունների գումարային ծավալը բավարարվում է թողարկման ծավալի 20%-ի սահմաններում, միջին ժամկետայնության և երկարաժամկետ արժեկտրոնային պարտատոմսերի պարագայում գործակալների կողմից ներկայացված ոչ մրցակցային առաջարկությունների գումարային ծավալը բավարարվում է այդ օրը տեղաբաշխման ենթակա ծավալի 20%-ի սահմաններում): Եթե մասնակիցների կողմից ներկայացված ոչ մրցակցային առաջարկությունների գումարային ծավալն ավելին է, ապա այդ առաջարկությունները բավարարվում են համամասնորեն՝ 20%-ի սահմաններում: Ոչ մրցակցային առաջարկությունների բավարարումից հետո սկսվում է մրցակցային առաջարկությունների բավարարումն ամենացածր եկամտաբերությամբ առաջարկություններից սկսած մինչև սահմանային եկամտաբերությամբ որոշված ծավալը: Եթե սահմանային եկամտաբերությամբ բավարարման ենթակա պարտատոմսերի ծավալը զիջում է տվյալ եկամտաբերությամբ առաջարկությունների ծավալին, կատարվում է համամասնական տեղաբաշխում, հակառակ դեպքում բավարարվում է տվյալ սահմանային եկամտաբերությամբ մրցակցային առաջարկությունների ողջ ծավալը: Համամասնական բաշխման արդյունքում գոյացած պարտատոմսերի չբաշխվող ծավալի տեղաբաշխման համար կիրառվում է պատահական ընտրության սկզբունքը՝ ստացված պատահական թվերի գեներատորի միջոցով: Առաջարկությունների համամասնական տեղաբաշխումն իրականացվում է համաձայն Ձև 3-ի:

20. Համակարգը հաշվում է տեղաբաշխվող պարտատոմսերի ծավալն ըստ տեղաբաշխման մասնակցի, ինչպես նաև թողարկողին փոխանցվելիք դրամական միջոցները՝ հաշվի առնելով աճուրդի մասնակցի դեպո հաշիվներում (սեփական և ամփոփ ներդրողների) տեղաբաշխման օրվա դրությամբ մարման ենթակա պարտատոմսերի ծավալի առկայությունը և տեղաբաշխման օրը կատարում է դրամական ու դեպո հաշիվներին համապատասխան ծավալով դրամական միջոցների և պարտատոմսերի փոխանցումները:

21. Հաշվարկների հիման վրա բանկն իր տնային էջում տեղաբաշխման անցկացման օրվա մինչև ժամը 13.00-ը հրապարակում է տեղաբաշխման արդյունքների մասին հայտարարություն: Պարտատոմսերի տեղաբաշխման արդյունքների վերաբերյալ հրապարակվող հայտարարությունը պետք է ներառի.

1) մասնակցած գործակալների քանակը,

2) ներկայացված առաջարկությունների ընդհանուր ծավալը (դրամ),

- 3) ներկայացված մրցակցային և ոչ մրցակցային առաջարկությունների ծավալը (գործակալներ, գանձապետական պահառու) (դրամ),
- 4) բավարարված առաջարկությունների ընդհանուր ծավալը (դրամ),
- 5) տեղաբաշխված պարտատոմսերի սահմանային և միջին կշռված եկամտաբերությունները:

- 22. Տեղաբաշխման մասնակիցները համապատասխան էլեկտրոնային հաղորդագրությունների միջոցով տեղեկացվում են իրենց կողմից ներկայացված հայտերի վերաբերյալ:
- 23. Եթե սույն կարգով սահմանված ժամանակահատվածում թողարկողը չի սահմանում տեղաբաշխման գնային պայմանները, ապա բանկն իրավունք ունի տեղաբաշխման անցկացման օրվա ժամը 12.30-ին տեղաբաշխումը չեղյալ հայտարարել, որի մասին տեղաբաշխման մասնակիցները տեղեկացվում են համապատասխան էլեկտրոնային հաղորդագրության միջոցով:
- 24. Տեղաբաշխմանը ներկայացվող պարտատոմսերի մրցակցային առաջարկությունների գնման գինը հաշվարկվում է համաձայն ՀՀ պետական (գանձապետական) պարտատոմսերի տեղաբաշխման, շրջանառության և մարման սպասարկման կարգերով սահմանված պարտատոմսերի գնի հաշվարկման բանաձևերին համապատասխան:
- 25. Տեղաբաշխումը նույն օրն ավելի ուշ ժամի վերսկսելու, հաջորդ աշխատանքային օր տեղափոխելու կամ չեղյալ համարելու դեպքում ավտոմատ եղանակով չեղյալ են համարվում տվյալ տեղաբաշխման համար ընդունված հայտերը և հայտեր ներկայացնող մասնակիցները տեղեկացվում են այդ մասին համապատասխան էլեկտրոնային հաղորդագրությունների միջոցով: Տեղաբաշխման մասնակիցների դրամական միջոցների սահմանափակման դեպքում ավտոմատ ձևով հանվում են սահմանափակումները: Տեղաբաշխման վերսկսման կամ տեղափոխման մասին տեղեկանալուց հետո տեղաբաշխման մասնակիցները ներկայացնում են նոր հայտեր՝ սույն գլխում սահմանված ընթացակարգերի համաձայն: Տեղաբաշխումն նույն օրն ավելի ուշ ժամի վերսկսելու դեպքում հետաձգման ժամկետով հետաձգվում են նաև սույն գլխում տեղաբաշխման ընթացակարգերին առնչվող այլ ժամկետները:
- 26. Պարտատոմսերի տեղաբաշխման աճուրդի օրը բանկը հաշվետվություններ է ներկայացնում թողարկողին՝ համաձայն Ձև 4-ի, Ձև 5-ի և Ձև 6-ի:

#### **ԳԼՈՒԽ 4. ՊԱՐՏԱՏՈՄՍԵՐԻ ՀԵՏԳՆՄԱՆ ԻՐԱԿԱՆԱՑՄԱՆ ԿԱՐԳԸ**

- 27. Հետգնման առարկա կարող են լինել միայն շրջանառության մեջ գտնվող ազատ կարգավիճակով պարտատոմսերը:
- 28. Ներդրողները հետգնմանը կարող են մասնակցել իրենց հետ պայմանագիր կնքած գործակալի միջոցով՝ ներկայացնելով նրան պարտատոմսերի հետգնման հայտ:
- 29. Գործակալը, որը ներդրողի համար հետգնման ժամանակ վաճառել է պարտատոմսեր, պարտավոր է հետգնման ավարտից հետո նույն օրվա ընթացքում ներդրողի վաճառված պարտատոմսերի համար ստացված դրամական միջոցները փոխանցել ներդրողի

թղթակցային հաշվի վրա և չվաճառված պարտատոմսերը փոխանցել ներդրողի դեպո հաշվի վրա:

30. Գործակալի և ներդրողի միջև հարաբերությունները կարգավորվում են գործակալի և ներդրողի միջև կնքված պայմանագրով:
31. Հետգնման օրվա մինչև ժամը 10.30-ը թողարկողն իր դրամական հաշվում կուտակում է հետգնման համար նախատեսված անհրաժեշտ ծավալով դրամական միջոցներ: Բանկը թողարկողից ստացված հանձնարարագրի հիման վրա սահմանափակում է թողարկողի դրամական հաշվից հետգնմանն ուղղված բյուջետային միջոցների օգտագործման հնարավորությունը: Թողարկողի համապատասխան հաշվին միջոցների բացակայության կամ ոչ բավարար լինելու դեպքում բանկը կարող է հետգնումը հայտարարել չեղյալ:
32. Հետգնման օրվա մինչև ժամը 10.30-ը հետգնման մասնակցող գործակալները պարտավոր են բանկում վարվող ազատ պարտատոմսերին համապատասխան (սեփական, ամփոփ ներդրողների) դեպո հաշվում ունենալ հետգնման համար նախատեսվող անհրաժեշտ ծավալով պարտատոմսեր:
33. Հետգնման մասնակիցները ներկայացնում են պարտատոմսերի վաճառքի սույն կարգով նախատեսված երկու տեսակի հայտ:
34. Հետգնման աճուրդին ներկայացված հայտերն ընդգրկում են միայն մրցակցային առաջարկություններ, որոնցում նշվում է պարտատոմսերի այն ծավալը, որը մասնակիցը ցանկանում է վաճառել աճուրդի ժամանակ և այն եկամտաբերությունը, որով մասնակիցը պատրաստ է վաճառել պարտատոմսերի այդ ծավալը:
35. Հետգնման կազմակերպման համար կարող են ներկայացվել առաջարկություններ՝ նշելով վաճառքի ենթակա պարտատոմսերի ծավալը՝ թողարկողի կողմից նախապես հայտարարված տարեկան եկամտաբերությամբ բավարարվելու պայմանով:
36. Հետգնման աճուրդին ներկայացված յուրաքանչյուր հայտ կարող է ընդգրկել առավելագույնը քսան առաջարկություն: Մասնակցի կողմից յուրաքանչյուր հետգնման աճուրդին ներկայացվող սեփական առաջարկությունների ընդհանուր ծավալը չի կարող գերազանցել այդ օրը հետգնման ենթակա ծավալը: Մասնակցի կողմից յուրաքանչյուր հետգնման աճուրդին ներդրողների հաշվին ներկայացվող առաջարկությունների ծավալը չի սահմանափակվում: Հետգնման կազմակերպմանը ներկայացված յուրաքանչյուր հայտ կարող է ընդգրկել մեկ մրցակցային առաջարկություն:
37. Հետգնման հայտում նշված պարտատոմսերի ծավալները պետք է բազմապատիկ լինեն տվյալ պարտատոմսի համար թողարկման հրամանում սահմանված քայլին, եկամտաբերությունը նշվում է ստորակետից հետո առավելագույնը չորս նիշի ճշտությամբ:
38. Հետգնման հայտերը ներկայացվում են տեղաբաշխման համար սահմանված ժամկետներում սույն կարգի 10-14-րդ և 25-րդ կետերում սահմանված ընթացակարգերի համաձայն:
39. Հայտերի ընդունման դադարումից հետո համակարգը ստուգում է մասնակցի ազատ պարտատոմսերի դեպո հաշվում բավարար ծավալով պարտատոմսերի առկայությունը: Համապատասխան պարտատոմսերի առկայության դեպքում համակարգն ապահովում է

դրանց օգտագործման սահմանափակումը հաշվետիրոջ այլ գործառնությունների համար:

40. Պարտատոմսերի բավարար ծավալով չապահովված հայտերն հանվում են (մերժվում են), իսկ մասնակիցներն այդ մասին տեղեկացվում են համապատասխան էլեկտրոնային հաղորդագրությունների միջոցով:
41. Ընդունված (չմերժված) հայտերի հիման վրա կազմվում է հավաքական տեղեկագիր՝ համաձայն Ձև 7-ի (հետգնման աճուրդ) ու համաձայն Ձև 11-ի (հետգնման կազմակերպում) և տրամադրվում է թողարկողին:
42. Հետգնման աճուրդի դեպքում թողարկողը որոշում է պարտատոմսերի հետգնման սահմանային եկամտաբերությունը, որից հետո թողարկողի հանձնարարագրի հիման վրա, կազմված համաձայն Ձև 8-ի, սույն կետով նշված պայմանները մուտքագրվում են համակարգ: Հավաքական տեղեկագրի, ինչպես նաև թողարկողի հանձնարարագրի փոխանցումը կատարվում է տեղաբաշխման աճուրդի համար սահմանված կարգով և ժամկետներում:
43. Հետգնման աճուրդի պայմանները համակարգ մուտքագրվելուց հետո սկսվում է մրցակցային առաջարկությունների բավարարումը՝ ամենաբարձր եկամտաբերությամբ առաջարկությունից սկսած մինչև սահմանային եկամտաբերությամբ որոշված ծավալը: Սահմանային եկամտաբերությամբ առաջարկությունների բավարարումը կատարվում է կամ ողջ ծավալով կամ համամասնական սկզբունքով՝ տեղաբաշխման աճուրդի համար սահմանված ընթացակարգերին համապատասխան:
44. Հետգնման կազմակերպման դեպքում թողարկողը բավարարում է հավաքական տեղեկագրում ներառած առաջարկությունների ողջ ծավալը և թողարկողի կողմից հանձնարարագիր չի ներկայացվում:
45. Համակարգը հաշվում է հետգնվող պարտատոմսերի համար վճարման ենթակա գումարներն ըստ հետգնման մասնակցի, ինչպես նաև թողարկողին փոխանցվող պարտատոմսերի ծավալները և հետգնման օրը կատարում է դրամական ու դեպո հաշիվներին համապատասխան ծավալով դրամական միջոցների և պարտատոմսերի փոխանցումները:
46. Սույն կարգի 45-րդ կետում նշված հաշվարկների հիման վրա բանկն իր տնային էջում հետգնման անցկացման օրվա մինչև ժամը 13.00-ը հրապարակում է հետգնման արդյունքների մասին տեղեկատվությունը: Հետգնման արդյունքների վերաբերյալ հրապարակվող հայտարարությունը պետք է ներառի.
  - 1) հետգնման անցկացման ամսաթիվը,
  - 2) հետգնման մասնակցած գործակալների քանակը,
  - 3) ներկայացված առաջարկությունների ընդհանուր ծավալը (դրամ),
  - 4) բավարարված առաջարկությունների ընդհանուր ծավալը (դրամ),
  - 5) հետգնված պարտատոմսերի սահմանային և միջին կշռված եկամտաբերությունները (հետգնման աճուրդի դեպքում),
  - 6) հետգնված պարտատոմսերի տարեկան եկամտաբերությունը (հետգնման կազմակերպման դեպքում):

47. Հետզնման օրը մասնակիցները համապատասխան էլեկտրոնային հաղորդագրությունների միջոցով տեղեկացվում են իրենց կողմից ներկայացված հայտերի վերաբերյալ:
48. Եթե սույն կարգով սահմանված ժամանակահատվածում թողարկողը չի սահմանում հետզնման աճուրդի գնային պայմանները, ապա բանկն իրավունք ունի հետզնման աճուրդի անցկացման օրվա ժամը 12.30-ին հետզնման աճուրդը չեղյալ հայտարարել, որի մասին հետզնման աճուրդի մասնակիցները տեղեկացվում են համապատասխան էլեկտրոնային հաղորդագրությունների միջոցով:
49. Հետզնմանը ներկայացվող պարտատոմսերի վաճառքի գինը հաշվարկվում է համաձայն ՀՀ պետական (գանձապետական) պարտատոմսերի տեղաբաշխման, շրջանառության և մարման սպասարկման կարգերով սահմանված պարտատոմսերի գնի հաշվարկման բանաձևերի: Բոլոր գումարները հաշվարկվում են մեկ դրամի ճշտությամբ:
50. Պարտատոմսերի հետզնման օրը բանկը հաշվետվություններ է ներկայացնում թողարկողին համաձայն, Ձև 9-ի, Ձև 10-ի (հետզնման աճուրդ) և Ձև 12-ի (հետզնման կազմակերպում):

#### **ԳԼՈՒԽ 5. ՊԱՐՏԱՏՈՄՍԵՐԻ ՄԱՐՄԱՆ ՍՊԱՍԱՐԿՈՒՄ**

51. Բանկն առանց թողարկողի կողմից տրված լրացուցիչ հանձնարարականի պարտատոմսերի մարման և/կամ արժեկտրոնային եկամտի վճարման օրը թողարկողի դրամային հաշվից գանձում է պարտատոմսերի մարման և/կամ արժեկտրոնային եկամտին համապատասխան գումարները:
52. Եթե պարտատոմսերի մարման օրը չկա այլ պարտատոմսերի տեղաբաշխման աճուրդ, ապա համակարգում ավտոմատ ձևով իրականացվում է մարումը՝ մարման օրը կատարվում են դրամական և դեպո հաշիվներին համապատասխան ծավալով դրամական միջոցների և պարտատոմսերի փոխանցումները, որոնց արդյունքում շրջանառության մեջ գտնվող մարվող պարտատոմսերի ամբողջ ծավալը դեպո հաշիվներից փոխանցվում է թողարկողի մարված պարտատոմսերի դեպո հաշվին, և միաժամանակ իրականացվում են մարվող ծավալի չափով դրամական միջոցներին համապատասխան փոխանցումները:
53. Միջին ժամկետայնության և երկարաժամկետ արժեկտրոնային պարտատոմսերի պարագայում արժեկտրոնի գումարները ևս փոխանցվում են դեպո հաշվետերերի՝ բանկում վարվող համապատասխան դրամական հաշիվներին:
54. Եթե պարտատոմսերի մարման օրը կա այլ պարտատոմսերի տեղաբաշխում, ապա մարման և տեղաբաշխման գործառնությունները կարող են կատարվել միաժամանակ՝ հաշվանցման սկզբունքով: Համակարգը հաշվում է ըստ յուրաքանչյուր մասնակցի տեղաբաշխվող պարտատոմսերի ծավալը, ինչպես նաև թողարկողին փոխանցվելիք դրամական միջոցները՝ հաշվի առնելով տեղաբաշխման մասնակիցների դեպո հաշիվներում (գործակալի դեպոում՝ տարանջատված որպես սեփական և ամփոփ ներդրողների) այդ օրը տեղաբաշխման հետ միաժամանակ մարման ենթակա պարտատոմսերի ծավալի առկայությունը և մարման օրը կատարում է դեպո և դրամական հաշիվներին անհրաժեշտ փոխանցումներ:

55. Պարտատոմսերի մարման ժամանակ թողարկողի դեպո հաշիվներում առկա տեղաբաշխման ենթակա և հետ գնված պարտատոմսերը նույնպես փոխանցվում են թողարկողի մարված պարտատոմսերի դեպո հաշվին:

«Ա պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետզնման աճուրդի, հետզնման կազմակերպման և մարման սպասարկման կարգի

Ձև 1

\_\_\_\_\_ թողարկման  
թողարկման համարը  
պարտատոմսերի տեղաբաշխման աճուրդին  
թույլատրված հայտերի հավաքական տեղեկագիր

Պարտատոմսերի ձեռքբերման մրցակցային առաջարկությունների ծավալը (դրամ)	Նշված ծավալի դիմաց առաջարկվող գումարը (դրամ)	Պարտատոմսերի տարեկան եկամտաբերությունը (%)

- Պարտատոմսերի տեղաբաշխման ենթակա ծավալը
- Պարտատոմսերի թողարկման ամսաթիվը
- Պարտատոմսերի մարման ամսաթիվը
- Պարտատոմսերի ձեռքբերման (պահանջվող) ընդհանուր ծավալը
- Պարտատոմսերի տեղաբաշխվող (բավարարվող) ընդհանուր ծավալը
- Պարտատոմսերի սահմանային տարեկան եկամտաբերությունը
- Պարտատոմսերի միջին կշռված տարեկան եկամտաբերությունը
- Պարտատոմսերի շրջանառության ժամկետը
- Մրցակցային առաջարկությունների ընդհանուր ծավալը
- Գործակալների սեփական մրցակցային առաջարկությունների ընդհանուր ծավալը
- Գործակալների ներդրողների մրցակցային առաջարկությունների ընդհանուր ծավալը
- Ոչ մրցակցային առաջարկությունների ընդհանուր ծավալը
- Գանձապետական պահառուի ծավալը
- Գործակալների սեփական ոչ մրցակցային առաջարկությունների ընդհանուր ծավալը
- Ներդրողների ոչ մրցակցային առաջարկությունների ընդհանուր ծավալը

Աշխատանքային խմբի անդամներ՝

1. \_\_\_\_\_
2. \_\_\_\_\_

«\_\_» \_\_\_\_\_ թ.

ՀՀ պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 2

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿ

### ՀԱՆՁՆԱՐԱՐԱԳԻՐ

«  » \_\_\_\_\_ 20 թ. աճուրդի ընթացքում  
\_\_\_\_\_ թողարկման պարտատոմսերի  
թողարկման համարը  
գնման հայտերի բավարարման համար

1. Սույնով թողարկողը բանկին հանձնարարում է.

1) վաճառել \_\_\_\_\_ պարտատոմսերն այն անձանց, որոնք  
ներկայացրել են  
թողարկման համարը

այդ պարտատոմսերի գնման մրցակցային առաջարկություններ, և հայտերում նշված  
եկամտաբերությունը \_\_\_\_\_% բարձր չէ,

2) մերժել մյուս բոլոր մրցունակ առաջարկությունները,

3) վաճառել \_\_\_\_\_ պարտատոմսերն այն անձանց, որոնք  
ներկայացրել են  
թողարկման համարը

այդ պարտատոմսերի գնման ոչ մրցակցային առաջարկությունները, աճուրդի միջին  
կշռված եկամտաբերությամբ՝ \_\_\_\_\_%:

ՀՀ ֆինանսների նախարարության կողմից

(Ա.Ա.Հ.)

Հանձնարարագիրն ստացվել է «  » \_\_\_\_\_ 20 թ. ժամը \_\_\_\_\_

ՀՀ կենտրոնական բանկի կողմից

(Ա.Ա.Հ.)



«Ա պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Համամասնության բաշխման սկզբունքը

Հաշվարկվում են A մեծության հետևյալ արժեքները՝

$$A = C_s - \sum R$$

$$A = V_{ncs} - \sum R$$

C<sub>s</sub> – հավաքական տեղեկագրի n-րդ սահմանային տողի բավարարվող ծավալն է

V<sub>ncs</sub> - Աճուրդի մասնակիցների համար ոչ մրցակցային առաջարկություններով ձեռքբերման բավարարվող առավելագույն ծավալն է

Եթե A=0, ապա կլորացված R ծավալները բաշխվում են առանց մնացորդի:

Եթե A<0, ապա պատահական թվերի գեներատորի (ՊԹԳ-ի) միջոցով ընտրվում են աճուրդի մասնակիցների այն առաջարկությունները, որոնց R ծավալները կնվազեն քայլի չափով:

Եթե A>0, ապա ՊԹԳ-ի միջոցով ընտրվում են մասնակիցների այն առաջարկությունները, որոնց R ծավալները կավելանան քայլի չափով:

Օրինակ՝

A1, A2, A3 և A4 աճուրդի մասնակիցները ներկայացրել են պարտատոմսերի ձեռքբերման համապատասխանաբար V1, V2, V3 և V4 պահանջվող ծավալների ոչ մրցակցային առաջարկություններ, V-ն ոչ մրցակցային առաջարկություններով տեղաբաշխման ենթակա պարտատոմսերի առավելագույն ծավալն է, որը պետք է համամասնորեն բաշխվի A1, A2, A3, A4 աճուրդի մասնակիցների միջև՝  $V < (V1+V2+V3+V4)$ :

ա) Ենթադրենք, շրջանառության ժամկետը 28 օր է, V=500'000AMD, միջին կշռված եկամտաբերությունը 46.6321%, քայլը՝ 1000AMD

№	Պահանջվող ծավալ	Եկամտաբերություն	Բավարարվող ծավալ	Բավարարված ծավալը՝ քայլի ճշտությամբ	Վճարվող գումարը (հաշվարկվում է համաձայն 3-րդ կետում բերված բանաձևի) մեկ դրամի ճշտությամբ
A1	70'000	46.6321	42'682.93	43000	41'495
A2	150'000	46.6321	91'463.41	91000	87'815
A3	200'000	46.6321	121'951.20	122000	117'730
A4	400'000	46.6321	243'902.40	244000	235'460
Ընդ.	820'000			500'000	

բ) Ենթադրենք V=98000AMD

№	Պահանջվող ծավալ	Եկամտաբերություն	Բավարարվող ծավալ	Բավարարվող ծավալը՝ քայլի ճշտությամբ	Բավարարված ծավալը՝ պատահական թվերի գեներատորի կիրառմամբ
A1	200`000	46.6321	24500	25000	24000*
A2	200`000	46.6321	24500	25000	25000
A3	200`000	46.6321	24500	25000	24000*
A4	200`000	46.6321	24500	25000	25000
Ընդ.	800`000		98000	100`000	98000

\* - ՊԹԳ-ի միջոցով ընտրվել են 1-ին և 3-րդ աճուրդի մասնակիցների առաջարկությունները, որոնց մասնակիորեն բավարարված ծավալները պակասեցվել են 1000 դրամով՝ բավարարված ընդհանուր ծավալը V-ին համապատասխանեցնելու համար

գ) Ենթադրենք, V=385000AMD

№	Պահանջվող ծավալ	Եկամտաբերություն	Բավարարվող ծավալ	Բավարարվող ծավալը՝ քայլի ճշտությամբ	Բավարարված ծավալը՝ պատահական թվերի գեներատորի կիրառմամբ
A1	100`000	46.6321	96250	96000	96000
A2	100`000	46.6321	96250	96000	97000*
A3	100`000	46.6321	96250	96000	96000
A4	100`000	46.6321	96250	96000	96000
Ընդ.	400`000		385000	384000	385000

\* - ՊԹԳ-ի միջոցով ընտրվել է 2-րդ աճուրդի մասնակցի առաջարկությունը, որի մասնակիորեն բավարարված ծավալը ավելացվել է 1000 դրամով՝ բավարարված ընդհանուր ծավալը V-ին համապատասխանեցնելու համար:

Եթե պարտատոմսերի ծավալների դիմաց յուրաքանչյուր մասնակցի գծով վճարվող գումարների հաշվարկները տեխնիկական և/կամ համակարգչային այլ միջոցներով իրականացնելիս ստացված արդյունքները տարբերվում են համակարգի միջոցով հաշվարկված տվյալներից մինչև 1000 դրամով, ապա համակարգի կողմից հաշվարկները համարվում են ճիշտ:

ՀՀ պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 4

R001

ՀՀ կենտրոնական բանկ, արժեթղթերի հաշվառման և հաշվարկների էլեկտրոնային համակարգ

## Հ Ա Շ Վ Ե Տ Վ ՈՒ Թ Յ ՈՒ Ն

Պարտատոմսերի (ո-րդ) աճուրդի արդյունքների վերաբերյալ

Սույն բանկը տեղեկացվում է պարտատոմսերի տեղաբաշխման արդյունքների մասին

1. Թողարկման տեղաբաշխման աճուրդը կայացել է

Պարտատոմսերը կմարվեն

	Աճուրդի մասնակիցների քանակը	Ներկայացված ծավալները (դրամ)
Գործակալ		
Գանձապետական պահառու		
Ընդամենը		

2. Աճուրդի ընթացքում պարտատոմսերի ձեռքբերման բավարարված առաջարկությունների ընդհանուր ծավալը կազմել է՝

3. Թողարկողի կողմից սահմանվել է մրցակցային առաջարկությունների բավարարման առավելագույն եկամտաբերությունը՝

4. Պարտատոմսերի տեղաբաշխումից ստացված հասույթը կազմել է՝

5. Պարտատոմսերի տեղաբաշխման աճուրդի ընթացքում մասնակիցների կողմից ձեռք բերված պարտատոմսերը կազմել են՝

Աճուրդի մասնակցի անվանումը	Ձեռք է բերվել մրցակցային առաջարկություններով		Ձեռք է բերվել ոչ մրցակցային առաջարկություններով	
	Ծավալը (ՀՀ դրամ)	Վճարված գումարը (ՀՀ դրամ)	Ծավալը (ՀՀ դրամ)	Վճարված գումարը (ՀՀ դրամ)

6. Հասույթը հաշվեգրվել է ՀՀ ֆինանսների նախարարության

հաշվին «\_\_\_\_\_» \_\_\_\_\_ 20 թ

ՀՀ կենտրոնական բանկի կողմից

Հաշվետվությունն ընդունվել է «\_\_\_\_\_» \_\_\_\_\_ 20 թ

ՀՀ ֆինանսների նախարարության կողմից

\_\_\_\_\_  
(ստորագրություն)

\_\_\_\_\_  
(Ա.Հ.Ա)

\_\_\_\_\_  
(ստորագրություն)

\_\_\_\_\_  
(Ա.Հ.Ա)

ՀՀ պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 5

ՀՀ կենտրոնական բանկ, արժեթղթերի հաշվառման և հաշվարկների էլեկտրոնային համակարգ

R003

Հ Ա Շ Վ Ե Տ Վ ՈՒ Թ Յ ՈՒ Ն

\_\_\_\_\_ արժեթղթերի առաջնային տեղաբաշխման (ո-րդ) \_\_\_\_\_  
 օր/ամիս/տարի  
 աճուրդի արդյունքների վերաբերյալ

Աճուրդի մասնակցի անվանումը	Արժեթղթերի ներկայացված ծավալը	Արժեթղթերի բավարարված ծավալը	Տարեկան եկամտաբերությունը	Կարգավիճակը
Մրցակցային առաջարկություններ				
Ընդամենը՝				
Ոչ Մրցակցային առաջարկություններ				
Ընդամենը՝				

NCM չբավարարված մրցակցային առաջարկություն

SCM բավարարված մրցակցային առաջարկություն

SCP մասնակիորեն բավարարված մրցակցային առաջարկություն

SNC բավարարված ոչ մրցակցային առաջարկություն

SNP մասնակիորեն բավարարված ոչ մրցակցային առաջարկություն

Կազմվել է օր/ամիս/տարի ժամ:րոպե:վայրկյան

«Ա պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 6  
R004

«Ա կենտրոնական բանկ, արժեթղթերի հաշվառման և հաշվարկների էլեկտրոնային համակարգ

### Հ Ա Շ Վ Ե Տ Վ ՈՒ Թ Յ ՈՒ Ն

\_\_\_\_\_ մինչև \_\_\_\_\_ ժամանակահատվածում  
(օրը, ամիսը, ամսաթիվը) (օրը, ամիսը, ամսաթիվը)

արժեթղթերի առաջնային տեղաբաշխման արդյունքների վերաբերյալ

Արժեթղթերի պետական գրանցման համարը			
Արժեթղթերի թողարկման ամսաթիվը			
Արժեթղթերի աճուրդի հերթական համարը և ամսաթիվը			
Արժեթղթերի տեղաբաշխման ենթակա ծավալը			
Արժեթղթերի պահանջարկի ծավալը	«Ա դրամ		
	%-ով՝ տեղաբաշխված ծավալի նկատմամբ		
Արժեթղթերի ձեռքբերման մրցակցային առաջարկությունների տարեկան եկամտաբերությունը (%)	նվազագույնը		
	առավելագույնը		
	սահմանային		
Արժեթղթերի տեղաբաշխումից ստացված գումարը («Ա դրամ)			
Տեղաբաշխված ծավալը («Ա դրամ) արժեթղթերի	Գործակալների սեփական	Մրցակցային	
		Ոչ մրցակցային	
	Գործակալների ներդրողներ	Մրցակցային	
		Ոչ մրցակցային	
Ընդամենը			
Արժեթղթերի միջին կշռված տարեկան եկամտաբերությունը (%)			

Կազմվել է օր/ամիս/տարի ժամ:րոպե:վայրկյան

« Կետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման կազմակերպման և մարման սպասարկման կարգի

Ձև 7

\_\_\_\_\_ թողարկման  
 թողարկման համարը  
 պարտատոմսերի \_\_\_\_\_ հետգնման աճուրդին  
 օր/ամիս/տարի  
 թույլատրված հայտերի հավաքական տեղեկագիր

Պարտատոմսերի վաճառքի մրցակցային առաջարկությունների ծավալը (դրամ)	Նշված ծավալի դիմաց վճարման ենթակա գումարը (դրամ)	Պարտատոմսերի տարեկան եկամտաբերությունը (%)

- Պարտատոմսերի հետգնման ենթակա ծավալը
- Պարտատոմսերի հետգնման աճուրդի ամսաթիվը
- Պարտատոմսերի մարման ամսաթիվը
- Վաճառքի ենթակա պարտատոմսերի առաջարկի ընդհանուր ծավալը
- Հետգնված պարտատոմսերի ընդհանուր ծավալը
- Պարտատոմսերի սահմանային տարեկան եկամտաբերությունը
- Պարտատոմսերի միջին կշռված տարեկան եկամտաբերությունը
- Պարտատոմսերի շրջանառության ժամկետը
- Գործակալների սեփական մրցակցային առաջարկությունների ընդհանուր ծավալը
- Գործակալների ներդրողների մրցակցային առաջարկությունների ընդհանուր ծավալը

Աշխատանքային խմբի անդամներ՝

1. \_\_\_\_\_
2. \_\_\_\_\_

«\_\_» \_\_\_\_\_ թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԵՆՏՐՈՆԱԿԱՆ ԲԱՆԿ

ՀԱՆՁՆԱՐԱՐԱԳԻՐ

«\_» \_\_\_\_\_ 200 թ. հետգնման աճուրդի ընթացքում  
\_\_\_\_\_ թողարկման պարտատոմսերի  
թողարկման համարը  
հետգնման հայտերի բավարարման համար

1. Սույնով թողարկողը բանկին հանձնարարում է.

1) գնել \_\_\_\_\_ պարտատոմսերն այն անձանցից,  
որոնք \_\_\_\_\_ թողարկման համարը

ներկայացրել են այդ պարտատոմսերի գնման մրցակցային առաջարկություններ, և  
հայտերում նշված եկամտաբերությունը \_\_\_\_\_% ցածր չէ,

2) մերժել մյուս բոլոր մրցունակ առաջարկությունները:

ՀՀ ֆինանսների նախարարության կողմից

(Ա.Ա.Հ.)

Հանձնարարագիրն ստացվել է «\_» \_\_\_\_\_ 20 թ. ժամը \_\_\_\_\_

ՀՀ կենտրոնական բանկի կողմից

(Ա.Ա.Հ.)

ՀՀ պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 9

ՀՀ կենտրոնական բանկ, արժեթղթերի հաշվառման և հաշվարկների էլեկտրոնային համակարգ

## Հ Ա Շ Վ Ե Տ Վ ՈՒ Թ Յ ՈՒ Ն

\_\_\_\_\_ Պարտատոմսերի հետգնման աճուրդի արդյունքների վերաբերյալ  
Սույնով բանկը տեղեկացնում է պարտատոմսերի հետգնման աճուրդի արդյունքների մասին

1. Հետգնման աճուրդը կայացել է

Աճուրդի մասնակիցների քանակը

Թողարկողի կողմից հայտարարված պարտատոմսերի հետգնման ծավալը

Մասնակիցների կողմից ներկայացված ծավալները (դրամ)

2. Աճուրդի ընթացքում պարտատոմսերի վաճառքի բավարարված առաջարկությունների ընդհանուր ծավալը կազմել է՝

3. Թողարկողի կողմից սահմանվել է մրցակցային առաջարկությունների բավարարման սահմանային եկամտաբերությունը՝

4. Պարտատոմսերի հետգնման արդյունքում մասնակիցներին վճարված գումարը կազմել է՝

5. Պարտատոմսերի հետգնման աճուրդի ընթացքում մասնակիցների կողմից վաճառված պարտատոմսերը կազմել են՝

Աճուրդի մասնակցի անվանումը	Վաճառվել է մրցակցային առաջարկություններով	
	Ծավալը (դրամ)	Վճարված գումարը (դրամ)

6. Վճարված գումարը ելքագրվել է ՀՀ ֆինանսների նախարարության

հաշվից « \_\_\_\_\_ » \_\_\_\_\_ 20 թ

ՀՀ կենտրոնական բանկի կողմից

\_\_\_\_\_ (ստորագրություն)

\_\_\_\_\_ (Ա.Հ.Ա)

Հաշվետվությունն ընդունվել է « \_\_\_\_\_ » \_\_\_\_\_ 20 թ

ՀՀ ֆինանսների նախարարության կողմից

\_\_\_\_\_ (ստորագրություն)

\_\_\_\_\_ (Ա.Հ.Ա)



«Ա պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետզնման աճուրդի, հետզնման կազմակերպման և մարման սպասարկման կարգի

Ձև 10

«Ա կենտրոնական բանկ, արժեթղթերի հաշվառման և հաշվարկների էլեկտրոնային համակարգ

### Հ Ա Շ Վ Ե Տ Վ ՈՒ Թ Յ ՈՒ Ն

\_\_\_\_\_ թողարկման պարտատոմսերի  
\_\_\_\_\_ հետզնման աճուրդի արդյունքների վերաբերյալ  
օր/ամիս/տարի

Աճուրդի մասնակցի անվանումը	Արժեթղթերի ներկայացված ծավալը (դրամ)	Արժեթղթերի բավարարված ծավալը (դրամ)	Տարեկան եկամտաբ. (%)	Կարգավիճակ
Ընդամենը				

NCM չբավարարված մրցակցային առաջարկություն

SCM բավարարված մրցակցային առաջարկություն

SCP մասնակիորեն բավարարված մրցակցային առաջարկություն

Կազմվել է օր/ամիս/տարի ժամ:րոպե:վայրկյան

«» պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 11

\_\_\_\_\_ թողարկման  
թողարկման համարը  
պետական պարտատոմսերի \_\_\_\_\_ հետգնման կազմակերպմանը  
օր/ամիս/տարի  
ներկայացված հայտերի հավաքական տեղեկագիր

Ներկայացված հայտեր

Պարտատոմսերի ձևավոր (դրամ)	Պարտատոմսերի հետգնման գինը (դրամ)	Պարտատոմսերի տարեկան եկամտաբերությունը (%)
Ընդամենը՝		

Աշխատանքային խմբի անդամներ՝

1. \_\_\_\_\_
2. \_\_\_\_\_

«\_» \_\_\_\_\_ թ.

ՀՀ պետական (գանձապետական) կարճաժամկետ, միջին ժամկետայնության և երկարաժամկետ արժեկտրոնային պարտատոմսերի առաջնային տեղաբաշխման, հետգնման աճուրդի, հետգնման կազմակերպման և մարման սպասարկման կարգի

Ձև 12

## Հ Ա Շ Վ Ե Տ Վ ՈՒ Թ Յ ՈՒ Ն

\_\_\_\_\_ թողարկման պետական պարտատոմսերի հետգնման կազմակերպման վերաբերյալ

Սույնով բանկը տեղեկացնում է \_\_\_\_\_ թողարկման պարտատոմսերի հետգնման կազմակերպման արդյունքների մասին

1. Թողարկման հետգնումը կայացել է
2. Թողարկողի կողմից սահմանվել է հայտերի բավարարման \_\_\_\_\_% եկամտաբերություն
3. Հետգնմանը մասնակցել են \_\_\_\_\_ գործակալ
4. Ընդունվել են պարտատոմսերի հետգնման հայտեր՝ \_\_\_\_\_ դրամ անվանական արժեքով
5. Պարտատոմսերի հետգնման արդյունքում մասնակիցներին վճարված գումարը կազմել է՝
6. \_\_\_\_\_ թողարկման պարտատոմսերի հետգնման արդյունքում գործակալների կողմից վերադարձված պարտատոմսերը կազմել են՝

Մասնակցի անվանումը	Անվանական արժեքը (դրամ)	Մասնակցին վճարված գումարը (դրամ)

7. Վճարված գումարը ելքագրվել է ՀՀ ֆինանսների նախարարության

հաշվից «\_\_\_\_\_» \_\_\_\_\_ 20 թ

ՀՀ կենտրոնական բանկի կողմից

\_\_\_\_\_ (ստորագրություն)

\_\_\_\_\_ (Ա.Հ.Ա)

Հաշվետվությունն ընդունվել է «\_\_\_\_\_» \_\_\_\_\_ 20 թ

ՀՀ ֆինանսների նախարարության կողմից

\_\_\_\_\_ (ստորագրություն)

\_\_\_\_\_ (Ա.Հ.Ա)